

Sarajevo, 07.04.2021.godine

Na osnovu člana 72. stav (3) tačka b) Zakona o javnim nabavkama („Službeni glasnik BiH“ br. 39/14), te člana 41. Statuta preduzeća, u postupku javne nabavke roba br. 122/20 – „Filterska ispuna za postrojenje za proizvodnju vode za piće“, donosi se:

## ODLUKA

o izboru drugorangiranog ponuđača u postupku

### Član 1.

Ugovor za javnu nabavku roba: „Filterska ispuna za postrojenje za proizvodnju vode za piće“ – postupak nabavke br. 122/20 dodjeljuje se drugorangiranom ponuđaču u postupku: „Analitika“ d.o.o. Sarajevo“, ponuda broj: TEN-005-G od 06.01.2021. godine za ponuđenu cijenu u iznosu: 17.600,00 KM bez PDV-a.

### Član 2.

Sa izabranim ponuđačem će se zaključiti ugovor u skladu sa članom 72. Zakona o javnim nabavkama.

### Član 3.

Ova odluka stupa na snagu danom donošenja.

## Obrazloženje

U otvorenom postupku javne nabavke broj 122/20 za nabavku roba: „Filterska ispuna za postrojenje za proizvodnju vode za piće“, na osnovu preporuke Komisije za javne nabavke broj: 122/20 od 26.02.2021 godine, donesena je Odluka o izboru najpovoljnijeg ponuđača broj 122/20 od 10.03.2021 godine, kojom je za najpovoljnijeg ponuđača izabran ponuđač: „Nobilis“ d.o.o. Sarajevo.

U Zapisniku komisije o pregledu i ocjeni ponuda broj: 122/20 od 26.02.2021. godine, od strane Komisije za javne nabavke konstatovano je da su prihvatljive ponude sljedećih ponuđača :

RB.	Ponuđač	Početna cijena ponude u KM bez PDV-a
1.	„Analitika“ d.o.o. Sarajevo	20.970,00
2.	„Hemija Patenting“ d.o.o. Lukavac	20.700,00
3.	„Nobilis“ d.o.o. Sarajevo	20.801,11

E-aukcija je u sistemu e-nabavke održana na dan 25.02.2021 godine u 09:00:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 09:00:00 sati do 09:31:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Konačna cijena ponude u KM bez PDV-a
1.	„Nobilis“ d.o.o. Sarajevo	17.400,00
2.	„Analitika“ d.o.o. Sarajevo	17.600,00
3.	„Hemija Patenting“ d.o.o. Lukavac	20.700,00

Komisija je jednoglasno dala prijedlog Ugovornom organu - ovlaštenom licu ugovornog organa, da za nabavku roba: „**Filterska ispuna za postrojenje za proizvodnju vode za piće**“ – tender broj 122/20 donese Odluku o dodjeli ugovora ponuđaču „Nobilis“ d.o.o. Sarajevo, broj ponude: 105/21 od 02.02.2021 godine, kao prvoplasiranom na rang listi, čija vrijednost ponude iznosi: 17.400,00 KM bez PDV-a.

Odluka o izboru najpovoljnijeg ponuđača i Obavještenje o rezultatu postupka su putem e-mail-a dostavljeni svim učesnicima u postupku dana: 10.03.2021 godine.

Zapisnikom Komisije o pregledu kvalifikacione dokumentacije, konstatovano je da ponuđač: „Nobilis“ d.o.o. Sarajevo, nije dostavio kvalifikacionu dokumentaciju kako je definisano tenderskom dokumentacijom br. 122/20. Komisija je konstatovala slijedeće: **Ponuđač „Nobilis“ d.o.o. Sarajevo je u predviđenom roku dostavio dokaze iz člana 45. Zakona o javnim nabavkama („Službeni glasnik BiH“ br. 39/14). Dokaze koje je ponuđač dostavio su sa „mlađim datumom“ od dana dostavljanja ponude. Ponuda je dostavljena dana 02.02.2021. godine. Shodno navedenom konstatovano je da ponuđač „Nobilis“ d.o.o. Sarajevo nije postupio u skladu sa tačkom 13. TD, te da se sa istim ne može pristupiti zaključivanju ugovora.**

Iz gore navedenih razloga, primjenom odredbi člana 72. stav (3) tačka b) Zakona o javnim nabavkama („Službeni glasnik BiH“ br. 39/14), donesena je Odluka o izboru drugorangiranog ponuđača: „Analitika“ d.o.o. Sarajevo u postupku nabavke roba: „**Filterska ispuna za postrojenje za proizvodnju vode za piće**“ – tender broj 122/20 i njemu će se ponuditi prijedlog ugovora. Cijena ponude izabranog ponuđača je u okviru procijenjene vrijednosti nabavke a ista nakon provedenog postupka e-aukcije iznosi: 17.600,00 KM bez PDV-a.

Na osnovu navedenog, odlučeno je kao u dispozitivu.


Dostaviti :

- „Analitika“ d.o.o. Sarajevo

- a/a



v.d. Direktor

  
Aida Penderk, dipl.ing. građ.